

NAMIBIA SENIOR SECONDARY CERTIFICATE

FIRST LANGUAGE RUKWANGALI ORDINARY LEVEL 4108/3

PAPER 3 Literature

2 hours

Marks 60

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MAVYUKISO NOMAPUKURURO KOVARONGWA

- Tjanga malimbururo goge moBukelimbwiliro vana ku pe.
- Tjanga Nomora zoge zEvangotjangero, zoUkandidate nEdina lyoge momavega goBukelimbwiliro.
- Tjangesa pena zouneguru wokusovagana ndi zonsovagani.
- Wa ha ruganesa yikwamema yokudongwenesa.
- Limburura mapuro **gatatu limwe** moRuha A **Unongotango**, **limwe** moRuha B **Etjangopuru** ntani **limwe** moRuha C **Udano**. Mogo malimbururo gatatu, **limwe** po lya hepa kukara lyesansekototo.
- Pakera mbili esipero, yidivisoresseso netungontanto.
- Sivaro soyitwa kuna si gava moyikondekeli [] kehagero lyankenye epuro ndi koruha rwepuro.

This document consists of **8** printed pages.



Republic of Namibia

MINISTRY OF EDUCATION, ARTS AND CULTURE

RUHA A: UNONGOTANGO

Limburura mo epuro **limwe** tupu moruha oru.

1 Nonkangotango Dounongotango: P S Koita

Resa mutango ogo konhi makura o limburure mapuro gana kukwama ko.

Ngoka diworoka nge?

Asi na ha lira
yimo ono kutanta.
Ame hena na ha guva
morwa nakooko ono vyuka
Kosirongo ono tamba.

Uturo wa tumbukira natuvenye,
yimo ono kutanta
Va za, ngava za hena navenye.
Asi ame nayimwesi nani tjira
nyamoge ono panda oku ono vyuka.

Ove kuna kutanta asi
neyisi nani guvira
neyisi hena nani lilira
yiyo nye ono kuhundira nge asi
ni kwate tupu mutjima.

Gazara tupu nye nkera
nomu hena atu kara
nomu tupu na ku hara
eparu lyoge nina kulira
Ove nye asi wa ha lira

Kosirongo setumbwidiro ono vyuka
Kouwa wa vhura mauwa
Keharo lyomonaruwa
Kwina ga kara Guhyetu ono vyuka
ame ni kwate tupu mutjima.

Oku ono kutwara mutjima goge
ame ni kare neguwo lyange,
ngoka diworoka nge?

(P. S. Koita)

- (a) Elizuvho musinke ana kutuntura mutangi momutjima gwendi metango eli? [2]
- (b) Ngapi omu sina kuliza siparatjangwa somutango noyikaramo? [3]
- (c) Mutangi ngapi omu ana kutulikida mositanza **5** momutango asi, muntu ogu ana kumupa sitangalimba kupi ana vyuka? [4]
- (d) Ngapi ono kungungunikira malitundakano gava vantu vavali vana kuligaunuka ntani morwasinke? [3]
- (e) Ngapi mutangi omu ga kambadara kugava nonkango domahengagwido momutango gwendi kutunda sitanza **1–5**? Gwana mbatero momutango. [5]
- (f) Ngapi zina ku gumu ezi nkango 'ediworoko' ngomuresi? [3]
- [20]

NDI

2 Rupupo Rukupupira: J K Kloppers

Resa mutango ogo konhi makura o limburure mapuro gana kukwama ko.

Munona kudwara

Yiko nina mu gwana komupanda
ta gendi tali tara-tara
a tare nsene zinanyata.
Yilye?

Apa nina mu gwana
age mosuta zokufana yihako
nonkaku dononzera.
Eyi ana mono nina heda ko
yiyo ana zi gusa ko
ana tura ko zokufana ngwendi zange
ni liharuke ko ana fanesa mukwetu.
Omu ga fana?

Munona tupu ngesi gorupara
gomeho gokuseruka
ga tarera ruha rumwe.
Ove muntu ee nampoo kwa pire
nonyara dendi mbali tupu
ove muntu ee yimo va ku unga ndi!
Musira gwendi kwa ligonya.
Nage kulya ndi?

Gwana omu mutangi ana kutuntura nkareso zaRugongoro ogu vana tangauka momutango ogu omu ono ka hamesera momarupe aga

- Mudwaro gwendi nonkango. [10]
- Nsitwe zendi. [10]

Nonkango di sike ko- **250 - 300**.

[20]

RUHA B: ETJANGOPURU

Limburura mo epuro **limwe** tupu moruha oru.

3 Kutetuka: W Sikerete

"Mbili tupu nye mukurona, muntu kuzona 'sitji ntani yiso asi dili kozona.' mbili nye." Ame mwene-mwene kuna wiza tupu ni ya pure asi nampo kugwana ko samende zoku ka tura porugorongwa rondunda zange. Ame samende zokuranda tupu nina ya pura, kapisi kuna wiza komutangu." Yimo ga uyugire Tjali a tantere Kutetuka egano lyendi nokuhundira va mu gusire po.

Kutetuka apa ga mona Tjali ta uyunga nombili nelinunupiko, age ta gazara asi Tjali woma ga kere nawo.

"Azo zene ndunda zokugorongesa samende pevhu zokufana ngapi?" Yimo ga pulire Kutetuka. "Nene nakauke, nye ame kani hara ko nampili nonsako ne (4) ntene kuvhura kudigwana." Yimo ga uyungire Tjali. Kutetuka ta mu tantere asi kuvhura tupu a di gwane.

"Ngoso yingapi nye adi kosa odo nonsako mwazimwe? Yige Tjali ana kupura. Kweyi age Kutetuka ta limburura asi, nonsako zimwe age kurandesa N\$2.50, age kurugana yangesi morwakuzuvhira nkenda vantu vakwawo, ngano kapisi yimo ngoso,ngano age kurandesa samende konoranda ndi nodora N\$5.00 nonsako.

"Hawe nawa tupu tate. Kuvhura nye ni fute ntaantani ngesi ndi?" Yimo ana kupura Tjali. "Kutupu muntu gokuruka mukeke edina age simpe kapi vana mu hampuruka ngwendi asi nompumbi. Tu ze tanko o ka di mone nyamoge nomeho ntani no pa nge yimaliva. "Yimo ana kuuyunga Kutetuka. Tava ka likwama va ka lilikide nonsako dosamende. Apa va ka sika Kutetuka ta kudumuna erwarwa eli ga vivire kononsako. "Ono di mono, ndi ove ko hara kumona nge widi eyi nkare o pe nge yimaliva siruwo oso ove nyamoge wa hana kumona eyi ono kuyipera nge? Ame kapisi yimo ani paruka ngoso." Yimo ana kuuyunga Kutetuka.

"Yingasi mukurona," yige Tjali ana kuuyunga pausupi.

"Gusa po nye nonsako ne edi ono hara o di litulire mpenji, morwa vantu vanzi ava ava ya randa samende neyisi va di gusa." Tjali ta tura pevega lyapeke nonsako ne edi ga pulire ntani ga gusire N\$10.00 a pe Kutetuka.

Kutetuka ta tambura yimaliva oyo a ture melimba. Siruwo oso ga kere opo Tjali age ta varwire momutjima muvaru gonosako nadinye edi da kere pevega olyo. Age ga mwene hena pevega olyo. Age ga mwene hena edina lyosamende ozo eli va di tjanga kofabilika oku va di rugene.

Nonsako edi da kere mevega lyaKutetuka kwa kere nomurongo mbali nazimwe ngoso, nye age ta ninki tupu asi nomurongo mbali. Eyi kwa kere tupu momutjima gwendi.

- (a) Tjali ngapi wa kere ukaro wendi apa ga wizire kembo lyaKutetuka ntani morwasinke? [2]
- (b) Yisinke zina kutanta ntanto ozo? “Kutupu muntu gokuruka mukeke edina age simpe kapi vana mu hampuruka ngwendi nompumbi.” [2]
- (c) Ngapi siparatjangwa sombapira ezi sa tuntura yihorokwa mesanseko eli? [2]
- (d) Kutetuka ngapi ga ka hepere konyima zokumutjida moyirugana, mokukwama mutjangi? [5]
- (e) Kulinyenga kapi ga likidire nkenda kwa Kutetuka, apa nga nyanda, Mutjangi ngapi gayilikadi mombapira ezi? [4]
- (f) Ukaro musinke galikidire Kutetuka apa gadingwire womukwarero gwendi? [3]
- (g) Ngano yokutengura hena konyima ngano kapi ngani genda hena nzira ezi. Yisinke ga tembe Kutetuka noruuyungo oru. [2]
- [20]

NDI

4 Sirenga: D Nakare

Mutjangi ngapi omu ga ruganesa nonkareso dovaviyauki ava, Sihetekera naSiponya di va twaredeese komarwanambo.

Nonkango di sike ko- **250 - 300**.

[20]

RUHA C: UDANO

Limburura mo epuro **limwe** moruha oru.

5 Eparu Lyawo: P S Koita

Hamutenya (*age kuna kuzigira nehandu*): Nina diva asi ono sigi nge tate ... ono sigi nge morwa eparu lyawo .. Nye yinzi ono rongo nge mazuva ga, ngwendi gogu wa divire eyi yanaina asi pepi yina kara nokuhoroka ... (*Ta tara vakatako ava vana ka sikama va mu purakene.*) Purakeneni one nombwa, nombwa edi va randa noyimaliva! Suvheni ezwi lyange nsene none vagarazuni! Wizeni name mu ya pompangede nge nonomupini deni nomauta geni! Wizeni mu ya rangeke nge kumwe natate! One mapenda, nye nombwa va weka. Ezuvake ngomu hasumuka monompofu deni mu tare rudi rweni? (*Ta nyongama a tare oguhwe, ntani ana kutwikira.*) Yisinke muna sikamene opo ngwendi yipopisa? Dimbeni mu likide upenda weni ... wokutona nokudipaga muntu ga hana kulikandura! Upenda wokudipaga muntu ga hana nzo! (*Takankuka a tare meguru. Ta zerura a like kuwoko kumwe meguru ano ku kumwe kuna diginine oguhwe momutwe.*) Kosipara soge tate ove ogu ono rara apa nina kuganena ogu mugano ... Ame tani zi oku va zaaza vakwetu wovanzi, tani zi ngani ka tengura nokuyarwira sirongo setu novantu vaso. Inh, tate, nambili ngano o tu sige ngesi, nina diva asi nampili ngano o muzuni, ngano ono yi hafere asi ni ze ... (*Vakwayita tava tundu po awo kuna kuzora unene. Hamutenya ta nyongama a ture mutwe gwendi momawoko gendi pevhu oku ta zigire asi.*) Inh, va zore tupu ... morwa eli yilyo eparu lyawo ...

- (a) Ezwi lyaHamutenya ngapi omu lina kuhagara mokaruhatjango oko? [3]
- (b) Ngapi mutjangi a kutuntura mobuke ezi asi vantu woruha sirongo soutokero wakavango kwa va horokerere yininkedona? [5]
- (c) Elizuvho musinke eli lya ya tuntukire moHaingura konyima zosigongi sokuvasilika kugava mbatero kovateroreste? [4]
- (d) Yisinke ga here kuhorora mutjangi apa ga tumbura asi “veta zi tundilire kegura siruwo oso vahompa novaforomani po ve li?” [3]
- (e) Mokukwama, mutjangi yisi garuganesera nkango "Vagenda? [3]
- (f) Mokukwama magano goge mbudi musinke ana kugava mutjangi moudano ou? [2]

[20]**NDI**

6 Kotokeni ZaHaitana: D Nakare

Simwitira ko asi, ngapi omu ga kambadara mutjangi kupindura magano goge kuhamena maumbondo aga ga horwere Kotokeni mombapira ezi, dogoro ya mu twere kompangura.

Nonkango di sike ko- **250 - 300**.

[20]